



Inatsisartuni ilaasortaq Anders Olsen, Siumut

Asasara Anders Olsen

Inatsisartut suleriaasianni § 37 naapertorlugu apeqquaqatit nassiussanut qujanaq. Apeqqutit matuma kinguliani ataasiakkaarlugit allanneqarput, akissummillu malitseqarlutik.

1. 2018-imi aningaasanut inatsimmi immikkut ittumik angallannikkut kiffartuussinermi pitsanngorsaanissamut kr. 8 mio. qanoq annertutigisoq ulloq 1. juli 2018 atorreqareerpat?

Juunip qaammataani suleqatigiissitaq, Air Greenlandimit, Disko Line-mit uangalu allaffeqarfinniit ilaasortaaffigineqartoq pilersippara. Suleqatigiissitaq taanna maanna angallasseriaasiusumut pitsannguutissanut siunnersuutit saqqummiussisussaavoq. Suliaq septembarimi naammassisussat naatsorsuutigineqarpoq, tamatumalu kingorna Naalakkersuisut aningaasanik atugassanngortitsiviusussanut siunnersuummik saqqummiussaqaassapput. Aningaasaliissutit taakkunannga sulit atuisoqanngilaq.

2. Angallannermi pitsanngorsaatissat aningaasaliissutit sumut atorreqassamaarpat?

Apeqqut 1-imut akissut takuuk.

3. Kiffartuussinermut aningaasaliissutit pitsanngorsarnissaannut kr. 8 mio. immikkoortitat ukioq manna tamakkerlugit atorreqarnissaat naatsorsuutigineqarpa?

Maannarpiaq aningaasaliissutit tamakkerlutik atugassanngortinneqarnissaat naatsorsuutigineqarpoq.

4. Kiffartuussinissamik isumaqatigiissutit maanna atuuttup innuttaasunit kommuuninilu qinikkanit annertuumik naammagittaalliutigineqartartup aqqiiviginissaa anguniarlugu Naalakkersuisut suut suliasat pingaarnertut isigaat?

Innuttaasut naatsorsuutigisaat aammalu kiffartuussinermut isumaqatigiissutit aningaasanut sinaakkusiussat tamatigit imminnut naapertuunneq ajorput. Innuttaasut politikerillu ilaasa naammagittaalliutaat saqqummiunneqartartut amerlapput peqqutaasullu amerlanertigit assigiinngitsunik aallaaveqartarlutik.

07-09-2018
Suliaq nr.: 2018-16606
Allakkiaq nr.: 32965548

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Kiffartuussinermut isumaqatigiissutit maanna atuuttut, tulleriarinerit, kissaatit aningaasaqarnikkullu sinaakkusiussat, taamani Inatsisartuusunit aalajangersarneqartut tunngavigalugit aalajangiinerit inerneraat. Kiffartuussinerep pitsaassusia qaffasinnerusoq neqerooruteqartitsinerulli aallartinnerani piumasarineqarsimasuuppat, tamatumunnga aningaasat amerlanerusut pisariaqartinneqartussaasimagaluarpot.

Kiffartuussinermut isumaqatigiissutit ullumikkut pigisagut, isumaqatigiissusiornermi aningaasaqarnikkut sinaakkusiussaasimasut tunngavigalugit anguneqarsinnaasut inerneraat.

Aperisup ilisimariigaatut Inatsisartuni Naalakkersuisunilu ilaasortat tamaasa 6.-7. oktobarimi isumasioqatigiinnissamut qaaquakka, tasanilu kiffartuussinermut isumaqatigiissutit siunissaat pillugu oqallisissaagut.

Inussiarnersumik inuulluaqqusillunga

Simon Simonsen